

Broj:05-3738-6/18  
Sarajevo, 02. 11. 2018. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), član 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14), na preporuku komisije za nabavke iz Zapisnika o pregledu i ocjeni ponuda, broj: 05-3728-5/17 od 30. 10. 2018. godine i člana 16. Statuta Agencije za bankarstvo Federacije BiH („Službene novine Federacije BiH“, broj 3/18), u postupku javne nabavke softverskih licenci, direktor Agencije za bankarstvo Federacija BiH donosi

## **ODLUKU**

### **o izboru najpovoljnijeg ponuđača u postupku nabavke robe**

#### **Član 1.**

Prihvata se preporuka komisije za nabavke iz Zapisnika o pregledu i ocjeni ponuda, broj 05-3738-5/18 od 30. 11. 2018. godine i ugovor za javnu nabavku softverskih licenci za potrebe Agencije za bankarstvo Federacije BiH (u nastavku: ugovorni organ) dodjeljuje društvu “QSS” d.o.o. Sarajevo, kao najpovoljnijem ponuđaču u predmetnom postupku nabavke.

#### **Član 2.**

Ukupna ponuđena cijena predmetne robe iz člana 1. ove odluke, iznosi 24.445,80 KM, bez poreza na dodanu vrijednost (PDV), što u konačnici, s uračunatim PDV-om, iznosi 28.601,59 KM.

#### **Član 3.**

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

#### **Član 4.**

U skladu sa odredbama člana 70. stav (6) Zakona, Agencija će objaviti ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su sudjelovali u ovom postupku.

## **OBRAZLOŽENJE**

Odlukom o pokretanju postupka javne nabavke softverskih licenci, broj: 05-3738/17 od 04. 10. 2018. godine, odobreno je provođenje postupka nabavke predmetne robe za potrebe Agencije. Javna nabavka je provedena putem otvorenog postupka nabavke, a kao kriterij za dodjelu ugovora odabrana je najniža cijena tehnički prihvatljive ponude.

U skladu s odlukom ugovornog organa imenovana je komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.



Slijedom navednog, komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da su po predmetnom postupku evidentirane 3 (tri) pravovremeno pristigle ponude.

Na osnovu izvršene analize i ocjene pristiglih ponuda u pogledu kvalifikacijskih i cjenovnih uslova nadmetanja, komisija je utvrdila:

- da ponuda ponuđača „QSS“ d.o.o. Sarajevo, ispunjava sve uslove i zahtjeve iz tenderske dokumentacije, te je ista ocijenjena kao prihvatljiva za ugovorni organ u predmetnom postupku nabavke
- da se ponude ponuđača „Emado“ d.o.o. Sarajevo i „Ping“ d.o.o. Sarajevo odbacuju na osnovu člana 68. stav (1) i stav (4) točka i) Zakona, iz razloga što navedeni ponuđači nisu ispunili zadane uslove i zahtjeve iz tenderske dokumentacije.

U ponudi navedenih ponuđača evidentirana su slijedeće nepravilnosti:

- Ponuđač „Emado“ d.o.o. Sarajevo nije ispunio minimalne uslove za kvalifikaciju navedene u poglavlju III. (Uslovi za kvalifikaciju ponuđača), točka 1.3. (Ekonomska i finansijska sposobnost – član 47. Zakona o javnim nabavkama), s obzirom da isti nije dostavio potvrdu izdatu od strane banke da „glavni račun“ privrednog subjekta nije bio blokiran u zadnjih 12 (dvanaest) mjeseci od dana obavještenja o nabavci.
- Ponuđač „Ping“ d.o.o. Sarajevo nije ispunio minimalne uslove za kvalifikaciju navedene u poglavlju III. (Uslovi za kvalifikaciju ponuđača), točka 1.3. (Ekonomska i finansijska sposobnost – član 47. Zakona o javnim nabavkama), s obzirom na to da isti nije dostavio valjanu Potvrdu izdatu od strane banke da „glavni račun“ privrednog subjekta nije bio blokiran u zadnjih 12 (dvanaest) mjeseci od dana objave Obavještenja o nabavci.

Navedena odstupanja su u suprotnosti sa zadanim uslovima iz tačke 1.3. (Ekonomska i finansijska sposobnost – član 47. Zakona o javnim nabavkama), podtačka a) tenderske dokumentacije.

U sljedećoj tabeli daju se rezultati rangiranja ponuda prema kriteriju za dodjelu ugovora, kako slijedi:

Redni broj	Ponuđači	Ukupna cijena, bez PDV-a
1.	QSS d.o.o. Sarajevo	24.445,80 KM

Iz prednje navedenog vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija za nabavke dala preporuke da se istom, saglasno članu 69. stav (1) tačka a) Zakona, dodijeli ugovor u postupku javne nabavke predmetne robe.

U postupku donošenja ove odluke, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i TD.

Uvažavajući sve navedeno, primjenom člana 64. stav 1. tačka a) Zakona, člana 25., člana 70. stavovi 1., 3. i 6. Zakona, člana 8. stav 2. tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14) i člana 16. Statuta Ugovornog organa, odlučeno je kao u tački I. ove odluke.



## POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



**DIREKTOR**

**Jasmin Mahmuzić**

Dostaviti:

- svim učesnicima u postupku
- a.a.

